

ТРЕТИЙ ЧАС:

Иерей: **Благословен Бог наш всегда, ныне и присно, и во веки веков.**

Чтец: **Аминь. Слава Тебе, Боже наш, слава Тебе.**

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

ТРИСВЯТОЕ ПО ОТЧЕ НАШ:

Чтец: **Святый Боже, Святый Крепкий, Святый Безсмертный, помилуй нас.**
(Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: **Яко Твое есть Царство и сила и слава Отца и Сына и Святаго Духа, ныне и присно и во веки веков.**

Хор: **Аминь. Господи, помилуй. (12 раз)**

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

ПСАЛОМ 16:

Услы́ши, Го́споди, пра́вду мою́, вонми́ молéнию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мои́ да ви́дита правоты́. Искусíл еси́ се́рдце мое́, посетíл еси́ но́щию, искусíл мя еси́, и не обрéтесе во мне неправда. Я́ко да не возглаго́лют уста́ моя́ дел челове́ческих, за словеса́ устéн Твои́х аз сохранíх пути́ жéстоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, я́ко услы́шал мя еси́, Бо́же, приклони́ у́хо Твое́ мне и услы́ши глаго́лы моя́. Удиви́ мýлости Твоя́, спаса́яй упова́ющия на Тя от проти́влящихся десни́це Твое́й. Сохранí мя, Го́споди, я́ко зéницу о́ка, в кро́ве крилу́ Твоею́ покры́еши мя. От лица́ нечестíвых остра́стших мя, врази́ мои́ ду́шу мою́ одержа́ша. Тук свой затвори́ша, уста́ их глаго́лаша горды́ню. Изгоня́щии мя ны́не обыдо́ша мя, о́чи свои́ возложи́ша уклонíти на зéмлю. Объя́ша мя я́ко лев гото́в на лов и я́ко скýмен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечестíваго, ору́жие Твое́ от враг руки́ Твоея́. Го́споди, от ма́лых от земли́, разделí я́ в животе́ их, и сокровéнных Твои́х испóлнися чре́во их, насы́тишася сынóв, и оста́виша оста́нки младенце́м своим. Аз же пра́вдою явлю́ся лицу́ Твоему́, насы́щуся, внегда́ явíти ми ся сла́ве Твое́й.

ПСАЛОМ 24:

К Тебе́, Го́споди, воздвигóх ду́шу мою́, Бо́же мой, на Тя упова́х, да не постыжýся во век, ниже́ да посмею́т ми ся врази́ мои́, ýбо вси терпя́щии Тя не постыдýтся. Да постыдýтся беззакóннующии вотще́. Пути́ Твоя́, Го́споди, скажи́ ми, и стезя́м Твои́м научí мя. Настáви мя на ýстину Твою́, и научí мя, я́ко Ты еси́ Бог Спас мой, и Тебе́ терпéх весь день. Помяни́ щедрóты Твоя́, Го́споди, и мýлости Твоя́, я́ко от вéка суть. Грех ю́ности моея́, и неведéния моего́ не помяни́, по мýлости Твое́й помяни́ мя Ты, ра́ди блага́сти Твоея́, Го́споди. Благ и прав Господь, сегó ра́ди законоположи́т согрешáющим на пути́. Настáвит крóткия на суд, научíт крóткия путе́м Свои́м. Все путиé Господни мýлость и ýстина, взыска́ющим

завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, ебоже изволи. Душа его во благих водворится, и семя его наследит землю. держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Виждь смирение мое, и труд мой, и остави вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилеплюхся мне, яко потерпех Тя, Господи. Избави, Боже, Израиля от всех скорбей его.

ПСАЛОМ 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих, и победиши внегда судити Ти. Се бо, в беззаконных зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омьёши мя, и паче снега убелюся. Слуху моему даши радость и веселие; возрадуются кости смиренные. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых

убо: всесожжѣния не благоволиши. Жѣртва Бѣгу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стѣны Иерусалимския. Тогда благоволиши жѣртву правды, возношение и всесожгаемая; тогда возложат на олтарь Твой тельцы.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебѣ Бѣже. (Трижды)

Господи, помилуй. (Трижды)

ТРОПАРЬ ВОСКРЕСНЫЙ

Тропарь воскресный гласа

Сла́ва Отцу́ и Сы́ну и Свято́му Ду́ху.

ТРОПАРЬ ПРАЗДНИКА (ЕСЛИ ИМЕЕТСЯ)

И ны́не и прѣсно и во ве́ки веко́в. Ами́нь.

Богородице, Ты еси лоза истинная, возрастившая нам Плод животá, Тебé молимся: молися, Владычице, со святы́ми апóсто́лы помíловати дúши нáша.

Госпóдь Бог благословéн, благословéн Госпóдь день дне,/ поспешíт нам Бог спасéний нáших, Бог наш, Бог спасáти.

ТРИСВЯТÓЕ ПО ОТЧЕ НАШ:

Чтец: **Святы́й Бóже, Святы́й Крéпкий, Святы́й Безсмéртный,** помíлуй нас.
(Трижды)

Слáва Отцú и Сýну и Свято́му Дúху, и ны́не и прíсно и во вéки веко́в. Амíнь.

Пресвятáя Трóице, помíлуй нас; Гóсподи, очíсти грехí нáша; Влады́ко, прости́ беззакóния нáша; Святы́й, посети́ и исцели́ нéмощи нáша, íмене Твоегó рáди.

Гóсподи, помíлуй. *(Трижды)*

Слáва Отцú и Сýну и Свято́му Дúху, и ны́не и прíсно и во вéки веко́в. Амíнь.

Óтче наш, Ёже еси́ на Небесéх, да святíтся íмя Твое́, да прíдет Цáрствие Твое́, да бúдет воля́ Твоя́, я́ко на Небесí и на землí. Хлеб наш насúщный дáждь нам днесь; и остáви нам дóлги нáша, я́коже и мы оставля́ем должникóм нáшим; и не введí нас во искушéние, но избáви нас от лука́ваго.

Иерéй: **Я́ко Твое́ есть Цáрство и сíла и слáва Отцá и Сýна и Свята́го Дúха, ны́не и прíсно и во вéки веко́в.**

Хор: **Амíнь.**

КОНДА́К ВОСКРЕСНЫЙ ИЛИ ПРАЗДНИКА

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и слаvimый, Христэ Бóже, Долготерпеливе, Многомилостиве, Многоблагоутрòбне, **И**же праведныя любяй и грешныя милуяй, **И**же вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградй нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. *(Трижды.)*

Слава Отцу и Сыну и Святому Духу и ныне и присно и во веки веков. **А**минь.

Честнейшую Херувим и слаvнейшую без сравнения Серафим, без исления Бóга Слова рòждшую, сущую Богородицу, Тя величаем.

Именем Господним благослови, óтче.

Иерей: **М**олитвами святых отец наших, Господи Иисусе Христэ, Бóже наш, помилуй нас.

Чтец: **А**минь. **В**ладыко Бóже Óтче Вседержителю, Господи Сыне Единорòдный Иисусе Христэ, и Святей Духе, Едино Божество, Едина Сила, помилуй мя, грешнаго, и имиже веси судьбами, спаси мя, недостойнаго раба Твоего, яко благословен еси во веки веков, аминь.

ШЕСТОЙ ЧАС:

Чтец: Приидите, поклонимся Царéви нашему Бóгу.

Приидите, поклонимся и припадём Христу́, Царéви нашему Бóгу.

Приидите, поклонимся и припадём Самому́ Христу́, Царéви и Бóгу нашему.

ПСАЛОМ 53:

Бóже, во íмя Твое́ спаси́ мя, и в си́ле Твое́й суди́ ми. Бóже, услы́ши моли́тву мою́, внуши́ глаго́лы уст мои́х. Яко́ чужди́и воста́ша на мя и крѣпцыи взыска́ша ду́шу мою́, и не предлож́иша Бóга пред собо́ю. Се бо Бог помога́ет ми, и Господь Засту́пник души́ мое́й. Отврати́т злая́ враго́м мо́им, истиною́ Твое́ю потреби́ их. Во́лею пожру́ Тебе́, испове́мся íмени Твоему́, Го́споди, яко́ блага́, яко́ от вся́кия печа́ли изба́вил мя еси́, и на враги́ моя́ воззре́ око́ мое́.

ПСАЛОМ 54:

Внуши́, Бóже, моли́тву мою́ и не презри́ моления́ моего́. Вонми́ ми и услы́ши мя: возскорбѣх печа́лию мое́ю и смято́хся. От гла́са вра́жия и от стужѣния грѣшника́, яко́ уклони́ша на мя беззакóние и во гнѣве враждова́ху ми. Сѣрдце мое́ смяте́ся во мне и боя́знь сме́рти нападе́ на мя. Страх и трѣпет при́иде на мя и покрѣ́ мя тьма. И рех: кто даст ми криле́, яко́ голубинѣ, и полещу́, и почи́ю? Се удали́хся бѣгая и водвори́хся в пусты́ни. Ча́ях Бóга, спаса́ющаго мя от малоду́шия и от бу́ри. Потопи́, Го́споди, и раздели́ язы́ки их: яко́ видѣх беззакóние и пререка́ние во гра́де. Днем и но́щию обы́дет и́ по стена́м егó. Беззакóние и труд посреде́ егó и неправда. И не оскуде́ от стогн егó ли́хва и лесть. Яко́ а́ще бы враг поноси́л ми, претерпе́л бых у́бо, и а́ще бы ненави́дяй мя на мя велерече́вал, укры́л бых ся от негó. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мно́ю бра́шен, в дому́ Бóжии ходи́хом единомышлѣнием. Да при́идет же смерть на ня, и да снѣдут во ад жи́ви, яко́ лука́вство в жили́щах их, посреде́ их. Аз к Бóгу воззва́х, и Господь услы́ша мя. Ве́чер и зау́тра, и полудне пове́м,

и возвещу́, и услы́шит глас мой. Избáвит мíром дúшу мою́ от приближа́ющихся мне, я́ко во мно́зе б́яху со мно́ю. Услы́шит Бог и смири́т я́, Сый прэ́жде век. Несть бо им изменéния, я́ко не убо́яшася Бóга. Прострé рúку свою́ на возда́ние, оскверни́ша завет Егó. Раздели́шася от гнéва лица́ Егó, и прибли́жишася сердца́ их, умя́кнуша словеса́ их пáче елéа, и та суть стрéлы. Возвэ́рзи на Гóспода печáль твою́, и Той тя препита́ет, не даст в век молв́ы прáведнику. Ты же, Бóже, низведéши их во студенéц истлéния, мúжие кровéй и льсти не преполов́ят дней своих. Аз же, Гóсподи, упова́ю на Тя.

ПСАЛО́М 90:

Живы́й в по́мощи Вы́шняго, в кро́ве Бóга Небéснаго водвори́тся. Речёт Гóсподеви: Застúпник мой еси́ и Прибéжище моé, Бог мой, и упова́ю на Него́. Я́ко Той избáвит тя от сéти лóвчи и от словесé мятэ́жна, плещма́ Сво́йма осенит́ тя, и под крилé Егó наде́ешися: ору́жием обы́дет тя и́стина Егó. Не убой́шися от стра́ха ноцна́го, от стрелы́ летя́щая во дни, от вéщи во тме преходя́щая, от сря́ца и бéса полúденнаго. Падéт от страны́ твоея́ ты́сяща, и тьма одесну́ю тебе́, к тебе́ же не прибли́жится, обáче очýма тво́йма смóтриши, и возда́ние грéшников úзриши. Я́ко Ты, Гóсподи, упова́ние моé, Вы́шняго положи́л еси́ прибéжище твоé. Не придет к тебе́ зло и рáна не прибли́жится телесу́ твоёму́, я́ко А́нгелом Сво́им заповéсть о тебе́, сохранити́ тя во всех путéх тво́их. На руках вóзмут тя, да не когда́ преткне́ши о ка́мень но́гу твою́, на áспида и васили́ска настúпиши, и попере́ши льва и зм́я. Я́ко на Мя упова́ и избáвлю́ я́, покрýю я́, я́ко позна́ я́мя Моé. Воззовет ко Мне и услы́шу его́, с ним есмь в скóрби, измú его́ и просла́влю его́, долготóю дней испóлню его́ и явлю́ ему́ спасéние Моé.

Сла́ва Отцу́ и Сы́ну и Свято́му Дúху и ны́не и прýсно и во вéки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бóже. (Три́жды)

Гóсподи, помíлуй. (Три́жды)

ТРОПАРЬ ВОСКРЕСНЫЙ, ГЛАС 8:

Текст тропаря по календарю

Сла́ва Отцу́ и Сы́ну и Свято́му Ду́ху.

ТРОПАРЬ ПРАЗДНИКА (ЕСЛИ ИМЕЕТСЯ)

И ны́не и прѣсно и во ве́ки веко́в. Ами́нь.

Яко не имама дерзновѣния за премно́гия грехи́ на́ша, Ты ѡже от Тебѣ Рѡждшагося моли́, Богородице Дѣво, мно́го бо мо́жет моле́ние Ма́тернее ко благосѣрдию Влады́ки. Не прѣзри грѣшных мольбы́, Всечы́стая, яко мѡлостив есть и спасти́ могѣи, ѡже и страда́ти о нас изво́ливый.

Скѡро да предва́рят ны щедро́ты Твоя́, Го́споди, яко обнища́хом зело́; помози́ нам, Бо́же, Спа́се наш, сла́вы ра́ди ѡмене Твоего́, Го́споди, изба́ви нас и очисти́ грехи́ на́ша, ѡмене ра́ди Твоего́.

ТРИСВЯТО́Е ПО ОТЧЕ НАШ:

Чтец: Святы́й Бо́же, Святы́й Кре́пкий, Святы́й Безсме́ртный, поми́луй нас.
(Трижды)

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Пресвята́я Трѡице, поми́луй нас; Го́споди, очисти́ грехи́ на́ша; Влады́ко, прости́ беззакѡ́ния на́ша; Святы́й, посети́ и исцели́ немо́щи на́ша, ѡмене Твоего́ ра́ди.

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Отче наш, ѡже еси́ на Небесе́х, да святѣ́тся ѡмя Твое́, да приидет Ца́рствие Твое́, да бу́дет во́ля Твоя́, яко на Небеси́ и на землѣ. Хлеб наш насущный да́ждь нам днесь; и оста́ви нам до́лги на́ша, якоже и мы оставля́ем должникѡ́м на́шим; и не введи́ нас во искуше́ние, но изба́ви нас от лука́ваго.

Иерей: Яко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прѣсно и во ве́ки веко́в.

Хор: Ами́нь.

КОНДА́К ВОСКРЕ́СНЫЙ

Кондак по календарю.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христэ Бóже, Долготерпелíве, Многомíлостиве, Многоблагоутрóбне, Иже прáведныя любяй и грéшныя мíлуяй, Иже вся зовы́й ко спасéнию обещáния рáди б́удущих благ. Сам, Гóсподи, приими́ и нáша в час сей молíтвы и испрáви живóт наш к зáповедем Тво́йм, д́уши нáша освятí, телесá очíсти, помышлéния испрáви, м́сли очíсти и избáви нас от всякия скóрби, зол и болéзней, оградí нас святы́ми Тво́ими А́нгелы, да ополчéнием их соблюдáем и наставля́ем, достíгнем в соединéние вéры и в рáзум неприст́упныя Твоея́ слáвы, я́ко благословéн еси́ во вéки векóв, амíнь.

Господи помилуй. *(Трíжды.)*

Слáва Отц́у и С́ыну и Святóму Д́уху и нýне и прíсно и во вéки векóв. **А**мíнь.

Честнэйшую Херувíм и слáвнейшую без сравнéния Серафíм, без истлéния Бóга Слóва рóждшую, с́ущую Богорóдицу, Тя величáем.

Именем Госпóдним благословí, óтче.

Иерéй: **М**олíтвами святы́х отéц нáших, Гóсподи Иис́усе Христé, Бóже наш, помíлуй нас.

Чтец: **А**мíнь. **Б**óже и Гóсподи сил и всея́ твáри Содéтелю, Иже за милосéрдие безприкладныя мíлости Твоея́ Единорóднаго С́ына Твоегó, Гóспода нáшего Иис́уса Христá, низпослáвый на спасéние рóда нáшего, и честн́ым Егó Крестóм рукописáние грех нáших растерзáвый, и победíвый тем начáла и влáсти тьмы. Сам, Влады́ко Человеколóбче, приими́ и нас, грéшных, благодарственныя сия́ и молéбныя молíтвы и избáви нас от всякаго всегубíтельного и мрачнаго прегрешéния и всех озлóбити нас íщущих вíдимых и невíдимых враг. Пригвоздí стрáху Твоем́у плóти нáша и не уклонí сердéц нáших в словесá или́ помышлéния лука́вствия, но любóвию Твоею́ уязвí д́уши нáша, да, к Тебé всегда́ взирáюще и éже от Тебé свéтом наставля́ем, Тебé, неприст́упнаго и приснос́ущнаго зря́ще

Свѣта, непрестáнное Тебѣ исповѣдание и благодарѣние возсылаѣем,
Безначáльному Отцú со Единорóдным Твоѣм Сýном и Всесвятýм, и
Благýм, и Животворящим Твоѣм Дúхом ныне, и прýсно, и во вѣки
векóв, амѣнь.

БОЖЕСТВЕННАЯ ЛИТУРГИЯ:

Диакон: Благослові, владыко.

Иерей: Благословено Царство Отца и Сына и Святаго Духа, ныне и
присно и во веки веков.

Хор: Аминь.

ВЕЛИКАЯ ЕКТЕНИЯ:

Диакон: Миром Господу помолимся.

Хор: Господи, помилуй.

Диакон: О Свѣшнем міре и спасѣнии душ наших, Господу помолимся.

О міре всего міра, благостоянии Святых Божиих Церквей и соединении
всех, Господу помолимся.

О святѣм храмѣ сем и с верою, благоговѣнием и страхом Божиим
входящих во нь, Господу помолимся.

О великом Господѣ и Отцѣ нашем Святѣйшем Патриархе **Кирилле**, и о
Господѣ нашем, Высокопреосвященнейшем митрополите *(или:*
архиепископе, *или:* преосвященнейшем епископе *имярек)*, честном
пресвитерстве, во Христѣ диаконстве, о всем причте и людех, Господу
помолимся.

О Богохранимей странѣ нашей, властех и воинстве ея, Господу
помолимся.

О градѣ сем *(или о веси сей)*, всяком градѣ, странѣ и верою живущих в них,
Господу помолимся.

О благорастворении воздухов, о изобилии плодов земных и временех
мирных, Господу помолимся.

О плавающих, путешествующих, недугующих, страждущих, плененных и о
спасении их. Господу помолимся.

О избавитися нам от всякия скорби, гнева и нужды, Господу
помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу
Богородицу и Приснодеву Марию, со всеми святыми помянувши, сами себе
и друг друга, и весь живот наш Христу Богу предадим.

Хор: Тебѣ, Господи.

Иерей: Яко подобает Тебѣ всякая слава честь и поклонение, Отцу и
Сыну и Святому Духу, ныне и присно и во веки веков.

Хор: Амѣнь.

ПЕРВЫЙ АНТИФОН, ПСАЛОМ 102¹:

Хор: Благословѣ, душе моя, Господа, / благословѣн еси Господи. /

Благословѣ, душе моя, Господа, / и вся внутренняя моя / имя святое Его. / Благословѣ, душе моя, Господа, / и не забывай всех воздаяний Его, / очищающего вся беззакония твоя, / исцеляющего вся недуги твоя, / избавляющего от истления живот твой, / венчающего тя милостию и щедротами, / исполняющего во благих желание твое: / обновится яко орля юность твоя. / Творяй милостины Господь, / и судьбу всем обидимым. / Сказав пути Своей Моисею, / сыномъ Израилевым хотения Своя: / Щедр и Милостив Господь, / Долготерпелив и Многомилостив. / Не до конца прогневается, / ниже во век враждует, / не по беззаконию нашим сотворил есть нам, / ниже по грехомъ нашим воздалъ есть нам. / Яко по высоте небесней от земли, / утвердилъ есть Господь милость Свою на боящихся Его. / Елико отстоят восточцы от запада, / удалилъ есть от нас беззакония наша. / Якоже щедритъ отецъ сыны, / ущедри Господь боящихся Его. / Яко Той позна создание наше, / помяну, яко персть есмь. / Человек, яко трава днѣе его, / яко цвет сѣльный, тако оцветѣтъ, / яко дух прѣиде в нем, / и не будет, и не познаетъ ктому мѣста своего. / Милость же Господня от вѣка и до вѣка на боящихся Его, / и правда Его на сынѣхъ сынѣв, хранящихъ заветъ Его, и помнящихъ заповѣди Его творити я. / Господь на Небесѣхъ уготовавъ Престолъ Свой, / и Царство Его всеми обладает. / Благословите Господа вси Ангели Его, / сильнии крепостию, творящии слово Его, услышати гласъ словесъ Его. / Благословите Господа вся Силы Его, / слуги Его, творящии волю Его. / Благословите Господа вся дела Его, на всякомъ мѣсте владычества Его. /

Благословѣ, душе моя, Господа, / и вся внутренняя моя / имя святое Его. // Благословѣн еси, Господи.

¹ *Часто поется в сокращении.*

ЕКТЕНИЯ МАЛАЯ:

Диакон: Паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Аминь.

ВТОРОЙ АНТИФОН, ПСАЛОМ 145:

Хор: Хвали, душе моя, Господа./ Восхваляю Господа в животе моем,/ пою Богу моему, дондеже есмь./ Не надейтесь на князи, на сыны человеческия,/ в нихже несть спасения./ Изидет дух его/ и возвратится в землю свою./ В той день погибнут вся помышления его./ Блажен, емуже Бог Иаковль Помощник его,/ упование его на Господа Бога своего,/ сотворшаго небо и землю,/ море и вся, яже в них,/ хранящаго истину в век,/ творящаго суд обидимым,/ дающаго пищу алчущим./ Господь решит окованныя./ Господь умудряет слепцы./ Господь возводит низверженныя./ Господь любит праведники./ Господь хранит пришельцы,/ сира и вдову примет/ и путь грешных погубит./ Воцарится Господь во век, // Бог твой, Сионе, в род и род.

Слава Отцу и Сыну и Святому Духу и ныне и присно и во веки веков. Аминь².

² *Может петься иначе: Слава: Хвали, душе, моя, Господа... И ныне: Единородный Сыне...*

ЕДИНОРОДНЫЙ СЫНЕ:

Единородный Сыне и Слове Божий, Безсмертен Сый/ и изволивый спасения нашего ради/ воплотится от Святыя Богородицы и Приснодевы Марии,/ непреложно вочеловечивыйся,/ распный же, Христэ Бже, смертию смерть поправый,/ Един Сый Святыя Троицы,// прославляемый Отцу и Святому Духу, спаси нас.

ЕКТЕНИЯ МАЛАЯ:

Диакон: Паки и паки миром Господу помобимся.

Хор: Господи, помилуй.

Диакон: Заступи, спаси, помилуй и сохрани нас, Бже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

ТРЕТИЙ АНТИФОН, БЛАЖЕННЫ:

Хор: Во Царствии Твоём помяни нас, Господи, егда приидеши, во Царствии Твоём.

На 12: Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кратции, яко тии наследят землю.

Воскресные

Тропарь:

Блажени алчущии и жаждущии правды, яко тии насытятся.

Тропарь:

На 8: Блажени милостивии, яко тии помиловани будут.

Тропарь:

Блажени чистии сердцем, яко тии Бога узрят.

Тропарь:

На 6 Блажени миротворцы, яко тии сынове Божии нарекутся.

Тропарь:

Блажени изгнани правды ради, яко тех есть Царство Небесное.

Тропарь:

На 4: Блажени есте, егда поносят вам, и изженут, и рекут всяк зол глагол на вы, лжуще Мене ради.

Праздника

Тропарь:

Радуйтесь и веселитесь, яко мзда ваша многа на Небесех.

Тропарь:

Слава Отцу и Сыну и Святому Духу.

Тропарь:

И ныне и присно и во веки веков. **Аминь.**

Тропарь:

МА́ЛЫЙ ВХОД (С ЕВА́НГЕЛИЕМ):

Диáкон: Премудрость, прости.

Хор: Приидите, поклонимся и припадём ко Христу́. Спаси ны, Сыне Божий, Воскресый из мёртвых, поющия Ти: аллилу́иа.

ТРОПАРИ И КОНДАКИ ПО ВХОДЕ:

ТРОПАРЬ ВОСКРЕСНЫЙ

ТРОПАРЬ ПРАЗДНИКА

Сла́ва Отцу́ и Сы́ну и Свято́му Ду́ху.

КОНДА́К ВОСКРЕСНЫЙ

И ны́не и при́сно и во ве́ки веко́в. Ами́нь.

КОНДА́К ПРАЗДНИКА

Диáкон: Гóсподу помóлимся.

Хор: Гóсподи, помíлуй.

Иерéй: Я́ко Святъ еси́, Бóже наш, и Тебé сла́ву возсыла́ем, Отцу́ и Сы́ну и Свято́му Ду́ху, ны́не и прísно.

Диáкон: Гóсподи, спаси́ благочестíвыя.

Хор: Гóсподи, спаси́ благочестíвыя.

Диáкон: И услы́ши ны.

Хор: И услы́ши ны.

Диáкон: И во ве́ки векóв.

Хор: Амíнь.

ТРИСВЯТО́Е:

Хор: Святы́й Бóже, Святы́й Кре́пкий, Святы́й Безсме́ртный, помíлуй нас. *(Три́жды)*

Сла́ва Отцу́ и Сы́ну и Свято́му Ду́ху и ны́не и прísно и во ве́ки векóв. Амíнь.

Святы́й Безсме́ртный, помíлуй нас.

Святы́й Бóже, Святы́й Кре́пкий, Святы́й Безсме́ртный, помíлуй нас.

Диáкон: Вóнмем.

Иерéй: Мир всем.

Чтец: И ду́хови твоeму́.

Диáкон: Прeму́дрость.

ПРОКІМЕН ВОСКРЭСНЫЙ, ГЛАС 8:

ПРОКІМЕН ПРАЗДНИКА, ГЛАС 3:

ЧТЕНИЕ АПОСТОЛА:

Диáкон: Премудрость.

Чтец: ... чтéние.

Диáкон: Вбнмем.

Чтец: Воскресное

Чтец: Праздника

Иерей: Мир ти.

Чтец: И духови твоёму.

Диáкон: Премудрость.

Аллилу́арий ВОСКРЭСНЫЙ

Чтец: Глас осьмый: Аллилúия, аллилúия, аллилúия.

Хор: Аллилúия, аллилúия, аллилúия.

Чтец:

Хор: Аллилúия, аллилúия, аллилúия.

Аллилу́арий ПРАЗДНИКА,

Чтец:

Хор: Аллилúия, аллилúия, аллилúия.

Диáкон: Благословí, влады́ко, благовестíтеля свята́го Апóстола и Евангелíста Лукí. ³

Иерей: Бог, моли́твами свята́го, сла́внаго, всехва́льнаго Апóстола и Евангелíста Лукí, да да́ст тебе́ глаго́л благовествующему́ сýлюю мно́гою, во исполне́ние Ева́нгелия возлю́бленнаго Сы́на Своего́, Го́спода на́шего Иису́са Христá.

Диáкон: Аминь.

Второй диáкон: Премудрость, прóсти, услы́шим свята́го Ева́нгелия.

Иерей: Мир всем.

Хор: И дýхови твоему́.

³ По служебнику (при иерейском служении) этот диалог произносится не во всеуслышание в алтаре во время пения Аллилуария, но также распространена практика произнесения этого диалога возгласно после Аллилуария.

Диáкон: От свята́го Ева́нгелия чтéние.

Хор: Сла́ва Тебе́, Го́споди, сла́ва Тебе́.

Второ́й диáкон: Во́ннем.

ЧТÉНИЕ ЕВА́НГЕЛИЯ:

Диáкон: Воскресное

Диáкон: Праздничное

Хор: Сла́ва Тебе́, Го́споди, сла́ва Тебе́.

ЕКТЕНИЯ СУГУБАЯ:

Диáкон: Рце́м вси от всея́ души́, и от все́го помышле́ния на́шего рцем.

Хор: Го́споди, поми́луй.

Диáкон: Го́споди Вседержи́телю, Бо́же оте́ц на́ших, мо́лим Ти ся, услы́ши и поми́луй.

Хор: Го́споди, поми́луй.

Диáкон: Поми́луй нас, Бо́же, по вели́цей ми́лости Твое́й, мо́лим Ти ся, услы́ши и поми́луй.

Хор: Го́споди, поми́луй. *(Три́жды, на ка́ждое проше́ние)*

Диáкон: Е́ще мо́лимся о Вели́ком Госпо́дине и Оте́це на́шем Святе́йшем Патриáрхе **Кири́лле**, и о Госпо́дине на́шем Высокопреосвяще́ннейшем митрополи́те *(или: архиепи́скопе, или: преосвяще́ннейшем епи́скопе имяре́к)*, и всей во Христе́ бра́тии на́шей.

Е́ще мо́лимся о Богохрани́мей стране́ на́шей, власте́х и во́инстве ея́, да ти́хое и безмо́льное жити́е поживе́м во вся́ком благоче́стии и чистоте́.

Е́ще мо́лимся о бра́тиях на́ших, священни́цах, священномона́сах, и всем во Христе́ бра́тстве на́шем.

Е́ще мо́лимся о блаже́нных и приснопа́мятных создáтелей свята́го хра́ма сегó, и о всех преждепочи́вших отце́х и бра́тиях, zde лежа́щих и повсю́ду, правосла́вных.

Е́ще мо́лимся о ми́лости, жи́зни, ми́ре, здра́вии, спасе́нии, посеще́нии, проще́нии и оставле́нии грехóв рабо́в Бо́жиих настоя́теля, бра́тии и прихо́жан свята́го хра́ма сегó.

Е́ще мо́лимся о плодонося́щих и доброде́ющих во святе́м и всечестне́м хра́ме сем, тружда́ющихся, пою́щих и предстоя́щих лю́дех, ожида́ющих от Тебе́ вели́кия и богáтыя ми́лости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

ЕКТЕНИЯ ОБ ОГЛАШЕННЫХ:

Диакон: Помолитесь, оглашеннии, Господеви.

Хор: Господи, помилуй. *(На каждое прошение)*

Диакон: Вернии, о оглашенных помолимся, да Господь помилует их.

Огласит их словом истины.

Открыет им Евангелие правды.

Соединит их святей Своей соборней и апостольстей Церкви.

Спаси, помилуй, заступи и сохрани их, Боже, Твоею благодатью.

Оглашеннии, главы ваша Господеви приклоните.

Хор: Тебе, Господи.

Иерей: Да и тии с нами славят пречестное и великолепое имя Твое, Отца, и Сына, и Святого Духа, ныне и присно, и во веки веков.

Хор: Аминь.

ЕКТЕНИЯ ВЕРНЫХ, ПЕРВАЯ:

Диакон: Елицы оглашеннии, изыдите, оглашеннии, изыдите, елицы оглашеннии, изыдите, да никто от оглашенных, елицы вернии, паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Премудрость.

Иерей: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Хор: Аминь.

ЕКТЕНИЯ ВЕРНЫХ, ВТОРАЯ:

Диакон: Паки и паки, миром Господу помолимся.

Хор: Господи, помилуй. *(На каждое прошение)*

Диакон: О свѣшнем мѣре и спасѣнии душ наших, Господу помолимся.

О мѣре всего мира, благостоянии святых Божиих церквей и соединении всех, Господу помолимся.

О святем храме сем и с верою, благоговением и страхом Божиим

входящих в онь, Господу помóлимся.

О избáвиться нам от всякия скóрби, гнѣва и нúжды, Господу помóлимся.

Заступи́, спаси́, помилуй и сохрани́ нас, Бóже, Твоѳю благодáтию.

Хор: Господи, помилуй.

Диáкон: Премúдрость.

Иерей: **Я**ко да под держáвою Твоѳю всегда́ храними, Тебѳ славу возсыла́ем, Отцú, и Сýну, и Свято́му Дúху, ны́не и прýсно, и во вѳки веко́в.

Хор: Ами́нь.

ХЕРУВИ́МСКАЯ ПЕСНЬ:

Хор: Иже Херувимы та́йно образу́юще и животворящей Трóице Трисвято́ю песнь припева́юще, всякое ны́не житѳйское отложим попечѳние.

ВЕЛÍКИЙ ВХОД:

Диáкон: Велíкаго господина́ и отцá нáшего **Кири́лла**, Святе́йшаго Патриáрха Моско́вскаго и всея́ Рýси, и господина́ нáшего (*Высо́ко-*) Преосвяще́ннейшаго (*имярек*), (*архи-*)епíскопа (*митрополита (титул)*), да помяне́т Господь Бог во Цáрствии Своѳм всегда́, ны́не и прýсно, и во вѳки веко́в.

Иерей: Преосвяще́нныя митрополíты, архиепíскопы и епíскопы, и весь свяще́нический и мона́шеский чин, и причет церко́вный, бра́тию свята́го хра́ма сегó, всех вас, правосла́вных христиáн, да помяне́т Господь Бог во Цáрствии Своѳм, всегда́, ны́не и прýсно, и во вѳки веко́в.

Хор: Ами́нь. **Я**ко да Царя́ всех поды́мем, áнгельскими невидимо дорино́сима чýнми. Аллилу́иа, аллилу́иа, аллилу́иа.

ЕКТЕНИ́Я ПРОСИ́ТЕЛЬНАЯ:

Диáкон: Исполним моли́тву нáшу Господеви.

Хор: Господи, помилуй. (*На каждое прошение*)

Диáкон: **О** предложенных Честных Дарѳх, Господу помóлимся.

О святѳм хра́ме сем, и с вѳрою, благоговѳнием и стра́хом Бóжиим входящих в онь, Господу помóлимся.

О избáвиться нам от всякия скóрби, гнѣва и нúжды, Господу помóлимся.

Заступи́, спаси́, поми́луй и сохрани́ нас, Бо́же, Твое́ю благода́тию.

Хор: Го́споди, поми́луй.

Диáкон: Дне всего́ соверше́нна, свя́та, ми́рна и безгре́шна у Го́спода про́сим.

Хор: Пода́й, Го́споди. *(На каждое прошение)*

Диáкон: А́нгела ми́рна, ве́рна наста́вника, храните́ля душ и телес на́ших, у Го́спода про́сим.

Про́щения и оставле́ния грехо́в и прегреше́ний на́ших у Го́спода про́сим.

До́брых и поле́зных душáм на́шим и ми́ра ми́рови у Го́спода про́сим.

Про́чее вре́мя живото́а на́шего в ми́ре и пока́янии сконча́ти у Го́спода про́сим.

Христиáнския кончи́ны живото́а на́шего, безболе́зненны, непосты́дны, ми́рны и до́браго отве́та на Стра́шнем Суди́щи Христо́ве про́сим.

Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Мари́ю, со все́ми святы́ми помяну́вше, са́ми себе́, и дру́г дру́га, и весь живо́т наш Христу́ Бо́гу преда́дим.

Хор: Тебе́, Го́споди.

Иерей: Щедро́тами Единоро́днаго Сы́на Твоего́, с Ни́мже благослове́н еси́, со Пресвяты́м и Благим и Животворя́щим Твои́м Ду́хом, ны́не и при́сно, и во ве́ки веко́в.

Хор: Ами́нь.

Иерей: Мир всем.

Хор: И ду́хови твоему́.

Диáкон: Возлю́бим друг дру́га, да единомы́слием испове́мы.

Хор: Отца́, и Сы́на, и Свята́го Ду́ха, Трои́цу едйносу́щную и неразде́льную.

Диáкон: Две́ри, две́ри, премудростию вонмем.

СИМВОЛ ВЕРЫ:

Люди: Ве́рую во еди́наго Бо́га Отца́ Вседержите́ля, Творца́ небу́ и земли́, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, И́же от Отца́ рождённаго пре́жде всех век. Све́та от Све́та, Бо́га и́стинна от Бо́га и́стинна, рождённа, несотворённа, едйносу́щна Отцу́, И́мже вся бы́ша. Нас

ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, главолавашаго пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. **Аминь.**

ЕВХАРИСТИЧЕСКИЙ КАНОН:

Диакон: Станем добре, станем со страхом, вонмем, святое возношение в мире приносити.

Хор: Милость мира, жертву хваления.

Иерей: **Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.**

Хор: И со духом твоим.

Иерей: Горé⁴ имеем сердца.

Хор: И мамы ко Господу.

Иерей: Благодарим Господа.

Хор: Достойно и праведно есть поклоняться Отцу и Сыну, и Святому Духу, Троице единосущней и нераздельней.

Иерей: Победную песнь поюще, вопиюще, взывающе и глаголюще.

Хор: Свят, свят, свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.

Иерей: **Примите, ядите, сие есть Тело Моё, еже за вы ломимое во оставление грехов.**

Хор: Аминь.

Иерей: **Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.**

⁴ Горé = к Горнему, духовному, ввысь

Хор: Амѣнь.

Иерей: Твоя от Твоих Тебѣ приносяще, о всех и за вся.

Хор: Тебѣ поѣм, Тебѣ благословим, Тебѣ благодарим, Господи, и молим Ти ся,
Боже наш.

Иерей: Изрядно о Пресвятѣй, Пречистей, Преблагословенней,
Славней Владычице нашей Богородице и Приснодеве Марии.

Досто́йно есть или Задосто́йник (Вме́сто Досто́йно есть):

Досто́йно есть:

Досто́йно есть я́ко вои́стинну блажи́ти Тя, Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и славне́йшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу Тя велича́ем.

Иерей: **В** пéрвых помяни́, Го́споди, вели́каго господи́на и отца́ на́шего Кири́лла, Святéйшаго Патри́арха Моско́вскаго и всея́ Руси́, и господи́на на́шего *(Высо́ко-)* Преосвяще́ннейшаго *(имярек)*, *(архи-)* епи́скопа *(митрополита (титул))*, ихже да́руй святы́м Твои́м це́рквам, в ми́ре, це́лых, честны́х, здра́вых, долгоде́нствующих, пра́во пра́вящих сло́во Твоея́ и́стины.

Хор: **И** всех, и вся.

Иерей: **И** даждь нам еди́ними усты́ и еди́нем се́рдцем сла́вити и воспевáти пречестно́е и великолéпое и́мя Твое́, Отца́, и Сы́на, и Свята́го Ду́ха, ны́не и при́сно, и во ве́ки веко́в.

Хор: **А**ми́нь.

Иерей: **И** да бу́дут ми́лости вели́каго Бо́га и Спа́са на́шего Иису́са Христа́ со все́ми ва́ми.

Хор: **И** со ду́хом твои́м.

ЕКТЕНІЯ ПРОСІТЕЛЬНАЯ:

Диáкон: **В**ся свѣтѣя помяну́вше, па́ки и па́ки міром Го́споду помóлимся.

Хор: Го́споди, помѣлуй. *(На каждое прошение)*

Диáкон: **О** принесѣнных и освящѣнных Честнѣх Дарѣх, Го́споду помóлимся.

Яко да человеколюбец Бог наш, приѣм я во свѣтѣй и пренебѣсный и мѣсленный Свой жѣртвенник, в воню благоуханія духóвнаго, возниспóслет нам Божѣственную благодáть и дар Свята́го Ду́ха, помóлимся.

О избáвиться нам от всѣкия скóрби, гнѣва и ну́жды, Го́споду помóлимся.

Заступѣ, спасѣ, помѣлуй и сохрани́ нас, Бо́же, Твоѣю благодáтию.

Хор: Го́споди, помѣлуй.

Диáкон: **Д**не всегó совершѣнна, свѣта, мірна и безгрѣшна у Го́спода прóсим.

Хор: **П**ода́й, Го́споди. *(На каждое прошение)*

Диáкон: **А**нгела мірна, вѣрна наставника, хранителя́ душ и телѣс на́ших, у Го́спода прóсим.

Прощѣния и оставлѣния грехóв и прегрѣшѣний на́ших у Го́спода прóсим.

Дóбрых и полѣзных душáм на́шим и міра мірови у Го́спода прóсим.

Прочее вре́мя животá на́шего в міре и пока́янии сконча́ти у Го́спода прóсим.

Христиáнския кончы́ны животá на́шего, безболѣзнены, непосты́дны, мірны и дóбраго отвѣта на Стра́шнем Судѣици Христо́ве прóсим.

Соединѣние вѣры и причáстие Свята́го Ду́ха испросѣвше, са́ми себѣ, и друг дру́га, и весь живóт наш Христу́ Бо́гу преда́дим.

Хор: **Т**ебѣ, Го́споди.

Иерей: **И** сподóби нас, Влады́ко, со дерзновѣнием, неосуждѣнно смѣти призывáти Тебѣ, Небѣснаго Бо́га Отца́, и глаго́лати:

МОЛІТВА ГОСПÓДНЯ:

Люди: **О**тче наш, Ёже еси́ на небесѣх, да свѣтѣтся ѡ́мя Твоѣ, да приѣдет Цáрствие Твоѣ, да бѣдет во́ля Твоѣя, я́ко на небесѣх и на землѣ. Хлеб наш насущный да́ждь нам днесь; и оста́ви нам дóлги на́ша, я́коже и мы оставля́ем должникóм на́шим; и не введѣ нас во искушѣние, но избáви нас от лука́ваго.

Иерей: **Я**ко Твоѣ есть Цáрство, и сѣла, и сла́ва, Отца́, и Сы́на, и Свята́го Ду́ха,

ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы ваша Господеви приклоните.

Хор: Тебе, Господи.

Иерей: Благодаритию, и щедротами, и человеколюбием Единородного Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Аминь.

Диакон: Вонмем.

Иерей: Свята́я святы́м.

Хор: Един свят,/ един Господь,/ Иисус Христос,/ во славу Бога Отца./ Аминь.

Причастны воскресный и праздника:

ПРИЧАСТИЕ:

Диакон: Со страхом Божиим и верою приступите.

Хор: Благословен Грядый во имя Господне, Бог Господь и явися нам.

Иерей: Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. **Аминь.**

Вечери Твоея тайныя днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Да не в суд или в осуждение будет мне причащение Святых Твоих Таин, Господи, но во исцеление души и тела.

Во время Причащения людей:

Хор: Тело Христово примите, Источника безсмертнаго вкусите.

После Причащения людей:

Хор: Аллилуия, аллилуия, аллилуия.

Иерей: Спаси, Боже, люди Твоя, и благослови достойние Твое.

Хор: Видехом свет истинный, / прияхом Духа Небеснаго, / обретохом веру истинную, / нераздельней Троице поклоняемся, // Та бо нас спасла есть.

Иерей: Всегда, ныне и присно, и во веки веков.

Хор: Аминь. Да исполнятся уста наша / хваления Твоего Господи, / яко да поем славу Твою, / яко сподобил еси нас причаститься / Святым Твоим, Божественным, безсмертным и животворящим Тайнам, / соблюди нас во Твоей святыни / весь день поучатися правде Твоей. // Аллилуиа, аллилуиа, аллилуиа.

ЕКТЕНИЯ ЗАКЛЮЧИТЕЛЬНАЯ:

Диáкон: Прóсти приímше Божéственных, святýх, пречíстных, безсмéртных, небéсных и животворящих, стра́сных Христóвых Таин, достóйно благодарím Гóспода.

Хор: Гóсподи, помíлуй.

Диáкон: Заступí, спасí, помíлуй и сохрани нас, Бóже, Твоеóу благодáтию.

Хор: Гóсподи, помíлуй.

Диáкон: День весь совершён, свят, мíрен и безгрéшен испросívше, сáми себе́ и друг дру́га, и весь живóт наш Христú Бóгу предадím.

Хор: Тебé, Гóсподи.

Иерéй: Я́ко Ты еси́ освящéние нáше, и Тебé сла́ву возсыла́ем, Отцú, и Сы́ну, и Свято́му Дúху, ны́не и прíсно, и во вéки векóв.

Хор: Амíнь.

Иерéй: С мíром изы́дем.

Хор: О́ имени Госпóдни.

Диáкон: Гóсподу помóлимся.

Хор: Гóсподи, помíлуй.

ЗААМВОННАЯ МОЛÍТВА:

Иерéй: Благословля́яй благословя́щия Тя, Гóсподи, и освяща́яй на Тя упова́ющия, спасí лю́ди Твоя́ и благословí достоя́ние Твое́, исполне́ние Цéркве Твоея́ сохрани́, освяти́ любя́щия благоле́пие до́му Твоего́: Ты тех возпросла́ви Божéственной Твоеóу сíлою, и не оста́ви нас, упова́ющих на Тя. Мир мiрови Твоему́ да́руй, цéрквам Твои́м, священником, во́инству и всем лю́дем Твои́м. Я́ко всякое да́ние бла́го, и всяк дар совершён свýше есть, сходя́й от Тебé Отца́ свéтов, и Тебé сла́ву, и благодарéние, и поклонéние возсыла́ем, Отцú, и Сы́ну, и Свято́му Дúху, ны́не и прíсно, и во вéки векóв.

Хор: Амíнь. Бúди Ё́мя Госпóдне благословéно от ны́не и до вéка.
(Три́жды)

ПСАЛО́М 33:

Хор: Благословлю́ Гóспода на всякое вре́мя,/ в́ину хвала́ Его́ во устéх мойх./ О́ Гóсподе похва́лится душа́ моя́,/ да услы́шат крóтцыи, и возвеселя́тся./ Возвели́чите Гóспода со мно́ю,/ и вознесём Ё́мя Его́ вку́пе./ Взыска́х Гóспода, и услы́ша мя,/ и от все́х скорбéй мойх

избáви мя./ Приступíte к Немú, и просветíteся,/ и лица вáша не постыдýтся./ Сей нíщий воззвá, и Госпóдь услýша и,/ и от всéх скорбéй егó спасé и./ Ополчíteся А́нгел Госпóдень óкрест боящихся Егó,/ и избáвит их./ Вкусíte и вíдите, я́ко благ Госпóдь:/ блажéн муж, íже уповáет Нань./ Бóйтеся Гóспода, всí святíи Егó,/ я́ко несть лишéния боящимся Егó./ Богáтии обнищáша и взалкáша:/ взыскáюЩИи же Гóспода не лишáтся всýкаго блáга./ Приидíte, чáда, послушáйте менé,/ стрáху Госпóдню научú вас./ Ктó есть человек хотя́й живóт,/ любя́й дни вíдети блáги?/ Удержí язы́к твой от зла,/ и устнé твой, éже не глабóлати льсти./ Уклонíся от зла и сотвори́ блáго./ Взыщí мíра, и поженí í./ Óчи Госпóдни на прáведныя,/ и úши Егó в молítву их./ Лицé же Госпóдне на творя́щая злáя,/ éже потребíти от землí пáмять их./ Воззвáша прáведнии, и Госпóдь услýша их,/ и от всех скорбéй их избáви их./ Близ Госпóдь сокрушéнных сéрдцем,/ и смиренныя дýхом спасéт./ Мнóги скóрби прáведным,/ и от всех их избáвит я́ Госпóдь./ Хранít Госпóдь вся кóсти их,/ ни едíна от них сокрушítся./ Смерть грéшников лютá,/ и ненавídяЩИи прáведнаго прегрéшат./ Избáвит Госпóдь дýши раб Свои́х,/ и не прегрешáт// вси, уповáюЩИи на Негó.

Иерей: **Благословéние Госпóдне на вáс, Тогó благодáтию и человеколю́бием, всегда́, ны́не и прíсно, и во вéки векóв.**

Хор: **Амíнь.**

Иерей: **Слáва Тебé, Христé Бóже, уповáние нáше, слáва Тебé.**

Хор: **Слáва, и ны́не. Гóсподи, помíлуй. (Трíжды) Благослови́.**

Отпúст:

Иерей: **Воскресýй из мéртвых, Христóс, íстинный Бог наш, молítвами пречíстыя Своея́ Мáтере, íже во святýх ...**

МНОГОЛÉТИЕ:

Хор: **Велíкаго Господíна и Отцá нáшего **Кирилла**,/ Святéйшаго Патрíарха Москóвского и всея́ Русí,/ и Господíна нáшего (**Высоко-**) Преосвящéнейшаго (**имярек**),/ (**архи-**)епíскопа (**митрополита (титул)**),/ богохранíмую странú нáшу Россíйскую,/ настоя́теля, брáтию и**

прихожан святого храма сего/ и вся православныя христианы, //
Господи, сохрани их на многая лета.